

## Joggelumzug - Umzugslied

1. Hans Joggeli stell' de Chrüzgang a, Hudihudiha!  
Am Zischtig wei mer vo heime ga, Hudihudiha!  
Refrain:  
Hans Joggeli stell' de Chrüzgang a,  
am Zischtig wei mer vo heime ga,  
Hudihudiha, Hudihudiha, Hudihudiha, Halleluja!
2. De Schällebueb de muess vora, Hudihudiha!  
mit ere lange, lange Stange und eme Fätze dra,  
Hudihudiha!  
[Refrain]
3. Und wo si chöme zum Mühlistäg, Hudihudiha!  
So stelle sich d'Buebe und Meitli zwäg, Hudihudiha!  
[Refrain]
4. Und wo si chöme zum Chappeli zue, Hudihudiha!  
do putze die Bure die dräckige Schueh, Hudihudiha!  
[Refrain]
5. Do lauft de Heer i d'Sakristi, Hudihudiha!  
De Sigerist no und g'scheret en i, Hudihudiha!  
[Refrain]
6. Druf isch de Heer uf e Redstuel grönnt, Hudihudiha!  
Die Bure händ gar märterli pflännt, Hudihudiha!  
[Refrain]
7. Er het ene zellt vom ewige Läbe, Hudihudiha!  
Und dass si sölle brav Zähnte gäbe, Hudihudiha!  
[Refrain]
8. Und wo'n er seit: "Ite missa est!", Hudihudiha!  
Do dänke die Bure: jetz hei mer de Räscht, Hudihudiha!  
[Refrain]
9. Und wo'n er seit: "Vobiscum Dominus!", Hudihudiha!  
Do rönne si alli zum Chappeli us, Hudihudiha!  
[Refrain]  
Hudihudiha, Hudihudiha, Hudihudiha, Halleluja!